

金峽寺志

卷一 二 三
四 五 六

三十六世百丈懷海禪師



選自明代版刻《佛祖道影》

金峨寺開山百丈懷海禪師

金峨寺開山百丈懷海禪師(文)

師生福州長樂王氏侍馬祖行次見一群野鴨飛過
有省次日祖陞堂衆纔集師出卷卻席祖便下座師
隨至方丈祖曰我適來未曾說話汝爲甚便卷卻席
師曰昨日被和尚搗得鼻頭痛祖曰你昨日向甚處
畱心師曰今日鼻頭又不痛也祖曰汝溪明昨日事
師後出世洪州百丈大雄山唐元和九年正月十七
日寂勅謚大智禪師塔曰大寶勝輪贊曰

野鴨飛去鼻頭忍痛昨日今朝夢中說夢卷得席
來兩耳斷送大雄峰前祥麟威鳳

目 錄

扉頁	鄞縣金峨寺開山百丈懷海禪師(圖)	一	
	鄞縣金峨寺開山百丈懷海禪師(文)	二	
卷首	序 目 錄		
序一	吳振藩序	一	
序二	卓梵序	一	
卷一	山川	一—十九	
卷二	建置上	一—廿一	
卷三	建置下	一—十四	
卷四	釋傳上	一—二十	
卷五	釋傳下	一—三十三	
165	125	93	51
13	9	5	3
2	1		頁碼

目錄

卷六 形勝

一—三十六

233

附錄

金峨寺簡況

釋·法思

一—三

304

光緒鄞縣志·金峨寺

一—三

317

金峨山勢自天來

楊古城·曹厚德

一—二

310

金峨山與百丈懷海禪師

日本 村上博優

一—二

312

浙江省鄞縣金峨禪寺住持釋法思敬印

楊古城·曹厚德助編 庚辰夏月

金我寺志序

四明金我冠冕一郡與寺互相輝映其間梵宇
廢興器物存亡禪德垂示法語流傳不有記載
之書則年湮代遠勝蹟難尋寺老山空精英誰
拾其何以顯聖跡於佛門振雄名於震旦也哉
寺自唐百丈師開山以來迄今歷千有餘載郡
志邑乘雖有紀錄未免語焉不詳其可無專書
以志之乎清光緒間永清純師有鑒於此設局
采訪聘周丈芾亭氏憇南主其事乃稿未成周

丈以疾去未數年純師亦歸化志事遂中止迨
民國八年卓梵上人被舉陞座興廢舉墜局面
刷新如大悲閣天王殿均所手創者也恆以寺
無專志爲慮乃商諸兩序檢查周之遺稿得諸
高擱辛未夏囑陳君俊隆以志事就商於余竊
以佛經奧義儒釋異趨卽起班馬而談龍象亦
將色變況不才如余者乎辭不獲命及來寺翻
閱周稿歸類未當取材太寬知係初稿而未經
點定者因商諸上人須設局采訪重行訂正上

人以經費支絀且厯遭兵燹無從搜稽殊有難
色用是不揣鄙陋將周稿所編者去其僞存其
真有者書之無者闕之爲類四爲卷六閱一寒
暑而始成以云體例則固未也上人精深佛典
兼通儒墨是役也草創者周丈芾亭鑒定者上
人卓梵余乃執筆以從其後覆瓿遺誦知所不
免若夫網羅羣籍博采異聞勒成完書上諸東
觀則有俟乎後之君子也

民國二十一年夏五月奉邑淵如吳振藩序於

金義寺留偈堂之東樓



序二

昔日達摩東來不立文字以直指人心見性成佛爲宗一有微言奧語卽落塵渣是以本寺自唐大厯以來千百餘年代有禪宿闡揚宗乘對于世諦之辭一無遺留正所謂不立語言文字者矣至前清光緒年間永清純公見諸山志乘皆以世諦之辭來顯不空之理是知語言文字猶不可無也適奉化周君芾亭設館其間遂商及纂修寺志周君興然曰金我爲四明名勝之

區名山古刹互相映輝苟無志載是失名人嚮慕之心予雖不才當勉承其乏卽同欽元月峰掬空諸師蒐尋古跡遺書語錄雜誌凡有關於寺事者縷述之未及年半周君以病辭事遂中輟不數年二公竟作古人迨梵來主寺時已隔十有餘年詢及志稿獲之高擱見未蠹損亦云幸焉遂議請吳君振藩留館丈室卽將前稿未備者覲縷而補之積月累時竭盡蒐輯之力以成全書從此各山古刹益增觀感者皆諸君子

手澤所遺也至論佛法以空爲第一義今從不
空中流出文字相作金義寺志是第一義抑第
二義耶梵不更下轉語願後之來者增修不替
是爲祝

大中華民國二十三年夏月本山住持卓梵序
於金義丈室



金嶽寺志卷一

住山卓梵鑒定

奉化吳振藩輯

本寺僧

觀蓮盛
定德安

校訂

山川第一

佛家以空立言凡宇宙一切之物盡掃而空之
是何取乎山更何取乎水然竊有說焉佛之所
謂空者乃穢污之處非掃空一切之謂也曷言
之佛言曰往生樂國歸茲淨土其間豈無山與

水者乎正惟無山無水而後真山真水始出焉
夫金華名勝爲四明最固爲世所公認千峯列
笏萬壑朝宗其間若巖若石若壑若澗又復錯
落而附麗之而曰人之傑不在地之靈豈其然
乎志山川

金華本作金鷲以形名山自右首山麓遙望兩
翅分張昂頭天表作飛鳥歸林之勢雖善繪者
不是過焉自宋治平元年勅賜金鷲山羅漢院
爲金華山真相禪寺而金華之名稱始定焉

攷證

按宋戴表元剡源文集樓師默墓志銘
葬鄞豐樂鄉驚東之原明郡人林時對

贈廐堂禪師重興泰清寺詩誰放金鷺峯頂
去青獅長鬚海門潮又忠義鄉志紀前人詩

亦作金鷺呂祖全書卷二與文集卷三俱作
金鷺寺奉化縣志紀金鷺山詩云或作金鷺

是驚改裁當自宋
治平元年興勅始

山在浙江甯波鄞縣之東南豐和鄉

民國初年
改樂爲和

二十四都二崙離縣治而遙者七十里高百有

十丈

清輿圖測量奉化縣委員
李從奉化更樓坂測起

自奉化雲蓋山

轉九峯山起望海尖又東轉逮千佛閣歷半亭

峽起獅子山峯左卸度峽

分水

起金嶺大御屏

山北卸亦曰分水岡起圍繞峩峩峯上石樓作團
瓢形山周圍百餘里崗巒起伏地勢廣褒不能
盡舉茲就鄞邑一面有關於本寺者志之耳

互證

奉天童寺志山之本從天台華頂發脈歷
奉化諸峯起金峩大梅曲折而結太白

以金峩爲第七祖山太白爲第十祖山云寶
慶志載金峩山距郡城七十里成化志載距
縣八十里鄞新志載縣治東南七十里諸志
所云究以何處爲界夫金峩爲一山之總名
里至故無定所由縣治起當以道陳嶺徐象
嶺藤嶺爲界處之標準今入山之程若從郡
城來者由甯波新河頭至橫溪舟行四十里
由橫溪至上任十五里再至凌家村四里到
寺約里半許鄞志載縣治至新河頭五里則
至寺當作六十五里矣